

Self Directed Supports (Cov Kev Txhawb Nqa Qhia Rau Tus Kheej) hauv Kev Saib Xyuas Kho Mob Uas Muaj Kev Tswj Xyuas

(Self-Directed Supports in Managed Care)



Self-directed supports (Cov kev txhawb nqa qhia rau tus kheej) (SDS) yog ib txoj kev xaiv rau cov tib neeg uas tso npe rau hauv Wisconsin cov khoos kas kev saib xyuas kho mob ncuu sij hawm ntev uas muaj kev tswj hwm, suav nrog:

- Family Care.
- Partnership.
- PACE (Program of All-Inclusive Care for the Elderly (Lub Khoos Kas txog Kev Saib Xyuas Kho Mob Rau Neeg Laus Uas Tsis Cais Leej Twg Li)).

SDS muab kev tswj hwm tau ntau zog rau koj los saib xyuas cov kev pab cuam thiab cov kev pab txhawb nqa uas koj tau txais.

SDS ua hauj lwm li cas

Thaum koj tso npe rau hauv lub khoos kas kev saib xyuas kho mob ncuu sij hawm ntev lawm, tej zaum koj yuav xaiv managed care organization (koom haum kev saib xyuas kho mob tau muaj kev tswj hwm) (MCO). Koj li MCO pab koj nrhiav thiab tau txais cov kev pab cuam uas koj xav tau. Nrog SDS, koj ua hauj lwm nrog koj lub MCO los txiav txim siab seb cov kev pab cuam twg uas koj xav mus tswj xyuas. Koj lub khoos kas yuav pab koj kawm paub txog txoj hau kev yuav koj cov kev pab cuam thiab cov kev pab txhawb nqa ntiag tug los ntawm pob txiaj ntsig kev pab no.

Nov yog yam koj tuaj yeem cia siab tau:

Ib txoj phiaj xwm tshwj xeeb rau SDS

Txhua lub MCO muaj nws txoj phiaj xwm ntawm tus kheej rau kev muab qhov SDS. Lawv yuav tsum muaj ib txoj hau kev rau koj los ua cov npe hauv qab no:

- Xaiv thiab ntiav koj cov neeg muab kev pab txhawb nqa ntiag tug, uas tuaj yeem yog tsev neeg, cov phooj ywg, cov neeg nyob koom zej zos, los sis cov chaw ua hauj lwm.
- Cob qhia thiab saib xyuas koj cov neeg ua hauj lwm muab kev pab txhawb nqa ntiag tug thaum lawv saib xyuas koj thiab ua tau raws li koj cov kev xav tau.
- Them nyiaj rau cov neeg ua hauj lwm nyob hauv koj pob peev nyiaj thiab taug qab xyuas txog kev siv nyiaj ntawd.

Ib txoj kev xaiv hauv cov kev pab cuam uas koj taw qhia tus kheej

Saib raws li koj cov kev xav tau uas muab ntsuam xyuas, tej zaum koj yuav muaj peev xwm taw qhia rau tus kheej txog tag nrho los sis ib feem ntawm koj cov kev pab cuam.

Piv txwv li, koj yuav taw qhia tus kheej txog koj cov chaw muab kev pab cuam saib xyuas kho mob rau tus kheej tab sis cia koj pawg kws saib xyuas kho mob tswj xyuas cov kws muab kev pab cuam kho mob uas pab koj tau cov khoom siv fab kev kho mob.

(Txuas ntxiv hauv phab 2)

Pawg kws saib xyuas kho mob uas pab txhawb nqa koj

Yog tias koj xaiv siv SDS, koj pawg kws saib xyuas kho mob yuav:

- Piav qhia seb yuav muaj dab tsi rau koj raws li koj cov kev xav tau uas tau txais kev ntsuam xyuas.
- Xyuas kom paub tseeb hais tias koj nyob rau hauv koj ncuaj pob peev nyiaj uas muaj los ua kom tau raws li koj cov kev xav tau txog kev noj qab haus huv thiab kev nyab xeeb.
- Pab koj nrhiav lwm yam kev pab txhawb nqa txhawm rau los tswj xyuas SDS raws li cov kev pab cuam twg (yog tias muaj) uas koj txiav txim los taw qhia rau tus kheej. Cov qauv piv txwv suav muaj fiscal employer agents (tus neeg sawv cev rau tus tswv hauj lwm fab nyiaj txiag) uas pab nrog kev ua ntaub ntawv ntiav hauj lwm tshiab, nyiaj hli, thiab ntau yam ntxiv.



Cov ciaj ciam kev txwv ntawm SDS

Koj lub MCO yuav muaj cov kev txwv txog kev xaiv ntawm SDS yog tias:

- Koj siv nyiaj ntau tshaj qhov uas muaj nyob hauv koj pob peev nyiaj lawm.
- Koj tau siv cov chaw muab kev pab cuam hauv lub khoos kas hauv txoj hau kev uas tsis tau kev tso cai.
- Koj tau siv cov chaw muab kev pab cuam hauv lub khoos kas hauv txoj hau kev uas ua rau koj txoj kev noj qab haus huv thiab kev nyab xeeb muaj kev pheej hmoo.
- Ib tug neeg twg tab tom txiav txim siab tam koj uas tsis mus raws li yam uas koj xav tau.

Koj lub MCO yuav ua hauj lwm nrog koj kom koj paub txog txoj hau kev tswj xyuas SDS thiab zam koj tsis pub muaj cov kev txwv no.

Cim Tseg: